



ATASSUT INATSISARTUNI

ATASSUT

UKA 2013/18-1

Siverth K. Heilmann

08.10.13

**Nuummi umiarsualivittaassap sanaartorneqarnissaanut ingerlanneqarnissaanillu
siunertaqtumik aktiaateqarluni ingerlatsivimmik pilersitsisoqarnissaanik
kingusinnerpaamillu UPA2014-imi ingerlatsiviup umiarsualiviullu pissutsinut
nalimmassarneqarnissaa pillugit Naalakkersuisut 2013–imi suliakkerneqarnissaat pillugu
Inatsisartut aalajangiiffigisassaattut siunnersuut.**

(Naalakkersuisut Siulittaasuat aamma Nunanut allanut tunngasunut Naalakkersuisoq)

Kalaallit Nunatsinni inuussutissarsiornikkut ineriertortitsinerup ingerlalluarnissaa
qulakkeerneqassappat Imaatigut silaannakkullu angallannerup qanoq ataqatigiissaagaalluartiginera
aalajangiisooqataalluinnarpoq.

Qangali, ila qangali nalunaarusiarpassuit aammalu kaammattuuterpassuit allaallumi umiarsualiviit
iliuarsartuunneqarnissaannut, allilerneqarnissaannut allaallumi nutaanik
umiarsualiviliorqarsinnaaneranik kaammattuutitalinnik nunatsinni sumiiffit inoqarfiusut
tamarluinnangajaasa misissorneqartalaruarput, taamaattorli kissaaterpassuit tamakku
naammassillugit suliarineqarnissaat amigaataajuarsimavoq.

Allaat Qeqqata Kommunia utaqqeqqissinnaajunnaarluni namminerisamik aningaasaliilluni
Sisimiuni umiarsualivimmik nutaaliortariaqalersimavoq, taakku takusinnaagamikku
iliuuseqartoqanngippat ineriertortitsineq kissaatigineqartoq piviusunngortinneqarnavianngitsoq.

Namminersorlutik Oqartussat akisussaaffigisaannik Nuummi umiarsualivimmik
sanaartortoqarnissaa siunertaralugu suliniuteqartoqalersoq, pingaartumik Qeqqata Kommuniata
tungaanit periuserineqartoq apeqqususersorneqartoq ATASSUT-mit maluginiarparput.



ATASSUT INATSISARTUNI

Namminersorlutik Oqartussat aammalu Nunatsinni Kommunit akornanni suliassat nammagassallu agguarneqarsimancerat matumani innersuussutigisariaqarpalput, nunap angallannikkut ataqatigiissarneqarnera Namminersorlutik Oqartussat akisussaaffigimmassuk Qeqqata Kommuniata nammineq sanaartortitseriarluni akiligassartaa Namminersorlutik Oqartussanut tunniutiinnarsinnaanagu ilisimaarigaat nalunngilarput.

Taamaattumik periarfissaq manna iluatsillugu Namminersorlutik Oqartussat Nunatsinnilu Kommunit sanaartugassat annertuut pillugit siunissami pilersaarusoqatigitarnermikkut pitsangorsaanissaat aqqutissiuunneqassasoq ATASSUT-mit kaammattutigissavarput.

Taamatulli oqareerluta ATASSUT-mit erseqqisaatigissavarput iluarismaaratsigu Naalakkersuisut timitaliinissamut piumassuseqarlutik Nuummi umiarsualivittaassap sanaartorneqarnissaanut ingerlanneqarnissaanillu siunertaqartumik aktiaateqarluni ingerlatsivimmik pilersitsisoqarnissaanik matumani siunnersuuteqarmata.

Taamatuttaaq ATASSUT-mit iluarismaarparput umiarsualiviup sanaartorneqarnerata kingorna Kommuneqarfik Sermersuup aammalu/imaluunniit namminersorlutik suliffeqarfiiit piginneqataasinjaalernissaannut periarfissanik ammatitsisoqassammat, isumpummi naapertorlugu tulleriaarineq taamatut aaqqissuussaq inuiqatigiinnut tamatsinnut, Kommuneqarfik Sermersuumut aammalu namminersortunut piginneqataalersinnaajumaartussanut isumannaannerpaassaaq.

Naalakkesuisuttaaq matumani piginnaatinneqarumapput Inatsisartut upernaakkut 2014-mi pilersitsinermut aamma sanaartornissamut inatsimmik tassanilu ingerlatseqatigiiffiup siunertaanik aalajangersaaffiusumik saqqummiussissaminnik.

ATASSUT-mit assut kissaatigaarput imaatigut nioqqutissanik assartuinermi ataqatigiissaarilluartoqassasoq, arajutsisimanngilarpummi ullumikkut nioqqutissanik assartueriaaseq Nuup avataani sinerissap sinnerani ippigineqartartoq, tamannalu naammassiniarlugu nunatsinnut nunatsinniillu, kiisalu nunatta iluani imaatigut angallissinermik pitsaasumik pilersitseqataanissaq siunertaralugu Naalakkersuisut sulissuteqarniarnerat assut iluarismaarparput.



ATASSUT INATSISARTUNI

Suliassap naammassineqarnissaanik siunertaqluni tulleriaarineq matumani saqqummiunneqartoq
ATASSUT-mit iluarisimaaratsigu inassutigissavarput siunnersuut taamatut iluseqartillugu
akuersissutigineqassasoq.